

Zeitschrift: Annalas da la Societad Retorumantscha
Herausgeber: Societad Retorumantscha
Band: 74 (1961)

Artikel: Traducziuns libras
Autor: Cloetta, Gian Gianett
DOI: <https://doi.org/10.5169/seals-225621>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.08.2025

ETH-Bibliothek Zürich, E-Periodica, <https://www.e-periodica.ch>

Un püschel chanzunettas per la scoletta da dumengias

Traducziuns libras da cunschaintas chanzuns tudas-chas our dal «Neuer Liederkranz» da Goldschmid e Stiefel e Blaukreuz «Mein Lied».

da G.G. Cloetta

Vo our, mieu cour, tschercha dalet!

Vo our, mieu cour, tscherchand dalet
 in quaist magnific temp da sted
 dals duns d'bunted divina!
 O guard', ils üerts in pumpa staun
 e's haun ornos per minch'umaun
 cun guarniziun d'regina.

La bos-cha sto in plain fögliam,
 la puolvr'in terr'as zuoglia lam
 cun erva e grusaïda.
 Las röosas e las fluors da fain
 saun as vestir bgerun pü bain
 cu Salamon in saida.

La lodola s'adoz'in ot,
 fringuel chi svoula tres il god,
 els güvlan da leidezza;
 il rosignol, il grand chantunz,
 fo strasuner sias chanzuns
 cun schlantsch e cun clerezza.

La cluotsch'ils pitschens vo chürand,
 l'utschè sieu gnieu vo fabrichand
 ed eir la randulina.
 Il tschierv e'l chavriöl, cuntaints
 s'giovaintan sün ils pros fluraints,
 giodand quell'erva fina.

L'ovel murmura tres il verd
e sagl'allegger ed allert,
cuntaint da sia vita.

Ils uzöllins, cuntaints, beos,
els faun lur sagls vi sur ils pros
e nuorsas faun lur gita.

Eir l'aviöl nun ais ozius,
el vo tscherchand e sainza pos
il meil sur la cuttüra.
La vit eir spenda sieu dutsch vin
chi renda forza da cuntin
a mincha creatüra.

Ma il furmant, quel crescha sü
e'ns do il paun da minchadi,
da que ans allegrainsa.
Perque ludain il Creatur
chi ans culmischa fin a l'ur,
dad ot ad el chantaina.

Eau svess nu poss ne vögl puser,
da nos grand Dieu sieu operer
dad admirer am svaglia.
Da chaunt e güvel e stupur,
a Dieu l'Otissem in onur
mieu cuor beo tresaglia.

Co hest tü drizzo aint grandius
cun taunt pisser, amur per nus
sün quaista povra terra!
Nu stu pür esser bger pü bê
losü in quel celest chastè,
cha'l firmamaint rinsera!

Che grand dalet, che sulagl cler
 saro i'l üert da Gesu cher.
 Co clingian las posaunas!
 scha'ls Cherubims e Seraphins
 intunan lur concerts divins,
 lur Halleluja chauntan! !

Füss eau be lò, giodesse quel tun,
 grand Dieu, be lò dasper tieu trun,
 giodesse tia victoria,
 co less alur'eir eau chanter,
 tieu nom in gloria aduzer
 in lod, onur e gloria!

Mo sch'eau stu auncha eir ster cò
 e'l giuf d'la vita purtar,
 taschair nu poss tuottüna;
 mieu cour chanter stu a tieu lod.
 adüna, saimper, dapertuot
 in sia grand furtüna.

Mieu spiert o benedescha tü
 cun grazcha chi vain da losü,
 ch'eau mê nu'm chambüberlescha.
 Fo cha ta sted tres tia fe
 in mia orma ed in me
 buns früts be madürescha!

Tieu sench spiert vögliast am der,
 cha ün bun bös-ch eau poss dvanter
 cun rischs da resistenza.
 O fo, cha eau a ti' onur
 in tieu üert resta degna flur
 i'l cler da ta clemenza!

A quel cha Dieu bain favurischa

A quel cha Dieu bain favurischa
tramett'el our i'l muond girand
e muoss'ils duns cha el s-chaffischa
in munt e val ed inavaunt.

L'ovel allert dal munt murmura,
la lodola chantina cler;
nu dess chanter eau cun premura
tuot que cha mia vusch po der?

Laschain cha'l Segner cher pür maina;
quel chi l'ovel ed eir l'utschè
e tuottas chosas bain ordaina,
quel pisserescha eir per me.

Tres muond e temp nus viagiain

Tres muond e temp nus viagiain,
 tres led e tres leidezza;
 il passaport i'l cour purtain,
 chi'ns vain giò da l'otezza.

E glüs'ch'il muond da tuns e fluors
 d'bellezz'incumparbla,
 nus eschan be in gir e scuors,
 nu vain cò dmura stabla.

'na flur clegiains eir bain gugent,
 cha Dieu d'regal ans duna,
 perque ad el nos chaunt fervent
 d'ingrazchamaint resuna.

E sch'el ans clama per cumbat
 in sia grand'battaglia,
 laschain tuot noss pissers dafat
 e giain, sudos da vaglia.

E maina'ns el a l'ultim port,
 davent d'la cumpagnia,
 nos staungel cour nun ais pü schmort,
 vers tschêl vezz'el sa via.

Aungels annunzchan la granda vardet

Homens e duonnas e tü pasturete,
guardè l'amabel e cher infauntet.
Hoz ais naschieu nos Gesu Salveder,
cha Dieu ans ho trmiss scu spendreder,
pür nun as tmè!

Giain vi a Betlehem per quarder lo
que cha da tschêl ans ais aviso.
Que cha chattainsa chanter vulainsa,
ludain adüna la glüschen divina,
a Dieu dain lod.

Aungels annunzchan la granda vardet
a Betlehem, quella pitschna cited,
lur vusch declera: Pêsch sün la terra,
tuot bainvuglientscha e beadentscha,
gloria a Dieu!

Al tschêl vo sü la glüna

Al tschêl vo sü la glüna,
las stailas ün'ad üna
vaun sü al firmamaint.
Il god ais nair e tascha
ed our da bos-ch'e descha
la brainta svoula our ed aint.

Il muond ais plain quietezza
ed illa grand s-chürezza
a let stuvais uoss'ir.
e scu cha Dieu ordaina,
d'lavur e led e paina
dal di passo pudais durmir.

Nos ögl la glüna vezza,
chi ais l'istess be mezza,
arduonda scu ch'ell'ais.
Uschè eir otras chosas
vzain nus suvenz tuot fosas,
perche nos ögl ais tuot surprais.

Nus glieud da pocha cretta,
nos pover cour s'daletta
da pcho e vanited.
cun nossa fantasia
e nossa ingüstia
'ns allontanains da la vardet.

Dieu, do a nus la grazcha,
cha'l passager nun'ns sazcha,
cha hegians te sulet,
cha possans cò sün terra
avair algrezcha bgera,
vivand d'infraunts da Dieu indret.

E l'ultim vögliast, Segner
in tieu sgür maun ans tegner
in nossa quaida mort.
E cur ch'in tschêl rivaina,
da te ans allegraina,
tü, Segner, sajast nos cuffort.

Schi gè in maun dal Segner,
chi vögli'in maun as tegner,
darcho al quaid repos.
O tegna'ns in ta chüra
e da tuot mel perchüra,
ed eir ils povers amalos.

Da Dieu la grazcha vi e pü

Da Dieu la grazcha vi e pü
 as renovescha minchadi
 ed ella mê nu voul glivrer,
 sün que minchün as po lascher.

Perque il tschêl ais uschè cler,
 ch'eir tia vita tü drizzer,
 adüna possast drizzer aint
 a glori'e lod dal Tuotpussaunt

Tü hest ils ögls, quel dun divin,
 chi't muossan cler e da cuntin
 las grandas ouvras da nos Dieu,
 cha el cun grazch'ho regalo.

O Dieu, tü stail'al tschêl serain,
 o do'ns tuot que cha nus druvain,
 impizz'in nus tieu chandaler,
 cha vezzans tia grazcha cler.

O s-chatsch'in nus tuot que ch'ais s-chür,
 tuott'infamia e spergür,
 orvezza, s-chandel e tuot pcho
 e'ns tegn'adün'aint il maun tieu.

Cha possans ster in tieu guvern
 per hoz e saimper, in etern,
 in tia cretta ferm rester
 e mê da te ans separer.

Tü est l'algrezcha

Tü est l'algrezcha in la gramezcha,
 tü, o tü cher Gesu Crist.
 Tres te survgnina manna divina,
 tü il vair Salveder est.
 Dal tuorp preservast, d'liams delibrast.
 Chi in te s'fida, mē nun invlüda
 el cun sa grazcha. Halleluja!
 Ta bunted sgüra nus ans perchüra;
 in tia cretta, in mort e vita
 stain nus adüna. Halleluja!

Scha te avaina, a dan nu'ns maina
 diavel, muond, ne pcho ne mort.
 Tü in maun tegnast, sur tuot tü regnast,
 nos salüd e nossa sort.
 Perque t'udaina ed onuraina,
 cha'l muond strasuna fin la curuna
 hoz ed adüna. Halleluja!
 Tuot giubilescha e triumfescha,
 tuot lod'ed ama da Dieu la brama
 cun cour e buocha. Halleluja!

O resta cun ta grazcha

O resta cun ta grazcha,
o Gesu minchadi,
'll'ans saja efficazcha
eir cunter l'inimih.

O resta cun ta verva
tar nus, Salveder cher,
be quell'il cour ans derva,
be quell'ans po salver.

O sto cun ta glümera
tar nus cun ta splendur,
cha ta vardet ans sclera,
nu giajans ad errur.

O Segner, benedeschans
e fo beos eir nus,
cun forza tü culmescha'ns
e'ns sajast grazius.

O Segner, ans protegia,
tü est il ferm pastur,
cha'l mel sur nus nun hegia
ne forza ne vigur.

La fidelted muntegna
in nus, o Gesu Crist,
cha bun spiert in nus regna
in bsögn e tuot il trist.

Un bastun dad or

Un bastun dad or possed
 pel viedi tres l'eted.
 Giò dal tschêl deriva quel.
 muossa eir sü vers il tschêl.
 Quaist bastun ais mia *cretta*,
 ferm am puoza el me stess,
 sch'eir dal corp mi'orma gess,
 be sün el eau am fidess.

Un aung'lin benign fido,
 ch'ais l'imegna da mieu Dieu,
 dmura in mi orma quiet,
 main'la tuot scu sieu inclet.
 L'aungel ais *l'amur divina!*
 Rich fo ella minch'umaun,
 frers e sours mincha crastiaun,
 tegna tuots aint in sieu maun.

Vi al tschêl glüschaient e cler
 ais 'na staila, mieu uter;
 ella glüscha güst scu l'or.
 impla cun dalet mieu cour.
 Quaista staila ais la *spraunza!*
 Our dla l'abis crudel
 cun sgürezza il fidel
 maina ella vers il tschêl.